

不復起故不應難問分別論者云何釋通應  
理論者所引契經彼作是說此所引經是不  
了義是假施設有別意趣所以者何謂彼經  
說無色界出離色者出離麁色非無細色如  
說色界出離諸欲而色界中猶許有色說無  
色界出離諸色無色界中應許有色彼不應

作是說不說色界出離色故可猶有色說無  
色界出離色故應定無色又如色界說出離  
欲細欲亦無說無色界出離色故亦無細色  
又無色界無麁受等亦應說為無受等界又  
色界色細於欲界應說色界亦名無色下三  
無色麁於有頂應說下三名有色界故彼所

十五末

說定不應理彼於餘經及說過難皆不能通  
是故應知分別論者是無知果黑暗果無明  
果不勤加行果說無色界猶有細色然無色  
界諸色皆無為止如是他宗所說顯示已宗  
所有正義非但止他顯已所說亦為顯示諸  
法正理今他解了故作斯論

說一切有部發智大毗婆沙論卷第八十三 退三

矛攢上七音牟下 扼手上音尼 淤溼上音去下 悽

惜上音反 俱胝下音尼 陶師上音逃 掉舉上音徒 鷲鷲

林上音反 肘反知初 頰壓下音使 尺蠖下音郭 燈

焯上音薄 彌反知初 締下音勅 斯上音尼 撻下音佳 稻上音田

收刈下音魚 雹反音角 痲斯上音八 脍反音米 刮反音俱 八

寢食上音錦 羅怙下音戶 悲號下音亦 曝上音報 矜誇

浣浣上音伴 傲慢上音告 戰慄下音驚 漸塹上音二 誅戮下音六 矜誇

浣浣上音伴 傲慢上音告 戰慄下音驚 漸塹上音二 誅戮下音六 矜誇

浣浣上音伴 傲慢上音告 戰慄下音驚 漸塹上音二 誅戮下音六 矜誇

阿毗達磨大毗婆沙論卷第八十四

退

五百大阿羅漢等造 三藏法師玄奘奉 詔譯

結蘊第二中十門納息第四之十四

云何空無邊處品類足說空無邊處摠有一  
種謂定及生若生彼處無覆無記受想行識  
如是摠名空無邊處乃至非想非非想處說

亦如是此中定者謂無色定生者即說無色界生若生彼處無覆無記受想行識此言說彼四蘊異熟契經中說超諸色想滅有對想不思惟種種想入無邊空空無邊處具足住是名空無邊處此中超諸色想者謂超眼識相應想問離初靜慮染時已超此想何故今說超諸色想耶答過所依故過有二種一過自性二過所依離初靜慮染時過彼自性說名為超離第四靜慮染時過彼所依說名超彼復次過現行故過有二種一者斷過二者不現行過離初靜慮時斷諸色想說名為超離第四靜慮染時彼不現行說名超彼復次過住處故過有二種一過欲貪二過住處離初靜慮染時過彼欲貪說名為超離第四靜慮染時過彼住處說名超彼復次若生第四靜慮眼識引彼色貪現前故離第四靜慮染時亦說超諸色想不復引起緣色貪故滅有對想者謂滅耳鼻舌身識相應想問離欲界

染時已滅耳鼻舌識相應想離初靜慮染時已離耳鼻身識相應想何故今說滅有對治想耶答前諸答中隨其所應亦通此問有餘師說瞋相應想名有對想問離欲界染時已滅一切瞋相應想何故今說滅有對想耶答過依處故謂諸依處能起瞋想今離第四靜慮染時皆超過彼故名為滅問何故不名滅諸色想超有對想答亦應互說欲現異文今生愛樂復次欲現二門乃至廣說不思惟種種想者謂不現起第四靜慮意識相應諸雜亂想問種種想者義何謂耶答此想緣種種處差別相故謂染汚者緣十處差別相不染汚者緣十二處差別相是故此想各種種想問何故說不思惟種種想耶答以種種想離第四靜慮染時極作留難繫縛障礙如暴獄卒故世尊說離第四靜慮染時不應思惟起種種想如是便能速離此染入無邊空空無邊處者問此何故名空無邊處為以自性為以所

退四

二

緣設亦何失二俱有過所以者何若以自性空無邊處以四蘊為自性不應名空若以所緣空無邊處緣四聖諦及虛空非擇滅云何但名空無邊處答應作是說此不以自性亦不以所緣但以加行故名空無邊處如施設論說以何加行修空無邊處定由何加行入

空無邊處定謂初業者先應思惟牆上樹上崖上舍上等諸虛空相取此相已假想勝解觀察照了無邊空相以先思惟無邊空相而修加行展轉引起初無色定故說此名空無邊處復次法亦初遠離色地名空無邊處謂瑜伽師先攀上色地離下色地染若離第四靜慮染時攀空無邊處四蘊而離第四靜慮染先緣上地作虛空想後方引起離下染道如人上樹先攀上枝而捨下枝若至樹端更無上枝而可攀故但起空想復次依等流故說此定名空無邊處謂瑜伽師從此定出必起相似

空想現前曾聞苾芻出此定已便舉兩手捫摸虛空有見問言汝何所覓苾芻答曰我覓自身彼言汝身即在床上如何餘處更覓自身故從此出起虛空想此想即是前定等流具足住者謂得獲成就空無邊處善四蘊於得獲成就說具足住聲是故名為空無邊處

是四

三

云何識無邊處如契經說超一切空無邊處入無邊識識無邊處具足住是名識無邊處問此何故名識無邊處為以自性為以所緣設亦何失二俱有過所以者何若以自性識無邊處以四蘊為自性不應但名識無邊處若以所緣識無邊處緣四聖諦及虛空非擇滅亦不應但名識無邊處答應作是說此不以自性亦不以所緣但以加行名識無邊處如施設論說以何加行修識無邊處定由何加行入識無邊處定謂初業者先應思惟清淨眼等六種識相取此相已假想勝解觀察照了無邊識相以先思惟無邊識相而修加

行展轉引起第二無色定故說此名識無邊  
處復次依等流故說此定名識無邊處謂瑜  
伽師從此定出必起相似識想現前謂於識  
相歡悅而住具足住者謂得獲成就識無邊  
處善四蘊於得獲成就說具足住聲是故名  
為識無邊處

云何無所有處如契經說超一切識無邊處  
入無所有無所有處具足住是名無所有處  
問此何故名無所有處答此中無我無我所  
故問一切地中無我我所何獨此名無所有  
處答無有餘地能令我執及我所執羸劣穿  
薄勢力減少如此地者故此獨名無所有處  
復次此地無有真實常恒不變易法損伏常  
見勝諸餘地故此獨名無所有處復次此地  
無有所趣所歸屋舍室宅能為救護摧伏憍  
慢懈怠放逸勝諸餘地故此獨名無所有處  
復次此地中無無邊行相初捨彼相故此獨  
名無所有處尊者世友作如是說於此定中

無能所攝行相轉故如說非我有處有時有  
所屬物亦無處時物屬我者故此獨名無所  
有處具足住者謂得獲成就無所有處善四  
蘊於得獲成就說具足住聲是故說名無所  
有處問佛何故說無所有處獨名捨耶答捨  
謂聖道能盡捨故有聖道地此最為後故於

退四

此地獨立捨名尊者世友作如是說此地近  
捨假想勝解無邊行相麤觀解故獨立捨名  
大德說曰此地棄捨作意功用無邊行相心  
心所法無功用住故獨名捨

云何非想非非想處如契經說超一切無所  
有處入非想非非想處具足住是名非想非  
非想處問此何故名非想非非想處答此地  
中無明了想相亦無無想相故名非想非非  
想處無明了想相者非如七地有想定故亦  
無無想相者非如無想及滅定故由此地想  
暗鈍羸劣不明了不決定故名非想非非想  
處具足住者謂得獲成就非想非非想處善

四蘊於得獲成就說具足住聲是故名爲非想非非想處

問欲界非想非非想處何緣無有無漏道耶  
答非田器故謂彼二地非無漏道所依田器  
故無漏道二地中無復次斷有根故謂彼二  
地是有根本諸無漏道斷有根本故無漏道

二地中無復次斷二邊故謂彼二地是下上  
邊諸無漏道能斷二邊住於中道故彼地無  
復次欲界無定亦非修地非離染地有頂暗  
鈍不決似疑諸無漏道必依定界修離染地  
明利決定故二地無復次欲界地中掉舉增  
上有頂地中寂止增上非無漏道所依止處  
退四

問何故世尊於無色定皆說超言靜慮不亦  
答佛於靜慮亦說超言如世尊告毘陀夷言  
苾芻離欲惡不善法有尋有伺離生喜樂入  
初靜慮具足而住我說是火亦是所斷亦是  
應超乃至第四靜慮亦亦問惟一經說靜慮  
應超餘經皆說無色是超此有何意答靜慮

中有種種異相不相似法故不說超無色不  
亦故獨說超復次靜慮中有異相諸根異相  
諸受及有異相心心所法故不說超無色不  
亦故獨說超復次靜慮中有種種功德多種  
勝利故不說超無色不亦故獨說超復次靜  
慮應顯明了現見故不說超無色細隱不明

了不現見故獨說超復次靜慮徧緣自上下  
地故不說超無色惟能緣自上地故獨說超  
復次以諸靜慮與上下地雖不死生而有往  
來謂神通力從下往上從上來下故不說超  
無色地中無如是義故獨說超復次以諸靜  
慮與上下地中有交雜下地中有上地現前

上地中有下地現前既有交雜故不說超無  
色地中無如是義故獨說超復次生上靜慮  
起下地法如諸識身變化心等故不說超生  
上無色必不超下諸有漏法故獨說超復次  
生上靜慮有下地法得常隨轉如變化心等  
故不說超生上無色必無下地諸有漏法得

隨轉義故獨說超由如是等種種因緣佛於無色說有超言靜慮不尔

如契經說空無邊處二万劫壽識無邊處四萬劫壽無所有處六萬劫壽非想非非想處八万劫壽問何故無色壽量有倍增者有增半者有增少分者耶答如異熟因有尔所力

還受尔所異熟果故復次空識無邊處有無邊行相亦有餘行相謂空無邊處無邊行相招万劫壽餘行相亦招万劫壽識無邊處無邊行相招二万劫壽餘行相亦招二萬劫壽此上更無無邊行相惟有餘行相故彼壽量不倍增下然無所有處别有摧伏我我所等

退四

六

勝善觀行異於餘地由彼善招二万劫壽故餘行相所招壽量亦倍倍增復次空識無邊處有奢摩他毗鉢舍那謂空無邊處奢摩他招万劫壽毗鉢舍那亦招万劫壽識無邊處奢摩他招二万劫壽毗鉢舍那亦招二万劫壽此上無勝毗鉢舍那惟有奢摩他故彼壽

量不倍增下餘如前說復次四無色地皆無多種功德法故一一等有二万劫壽上三無色離下地染有少多故倍倍增壽謂識無邊處已離下一無色地染招二万劫壽并本二萬為四万劫無所有處已離下二無色地染招四万劫壽并本二萬為六万劫非想非非想處已離下三無色地染招六万劫壽并本二万為八万劫

八解脫者一內有色想觀諸色解脫二內無色想觀外色解脫三淨解脫身作證具足住四超諸色想滅有對想不思惟種種想入無邊空空無邊處具足住解脫五超一切空無

邊處入無邊識識無邊處具足住解脫六超一切識無邊處入無所有無所有處具足住解脫七超一切無所有處入非想非非想處具足住解脫八超一切非想非非想處入想受減身作證具足住解脫問此八解脫自性是何答初三解脫以無貪善根為自性皆對

退四

七

治貪故若兼取相應隨轉則欲界者以四蘊為自性色界者以五蘊為自性四無色處解脫皆以四蘊為自性想受滅解脫以不相應行蘊為自性如是名為解脫自性我物自體相分本性已說自性所以今當說問何故名解脫解脫是何義答弃背義是解脫義問若弃背故名解脫者何等解脫弃背何心答初二解脫弃背色貪心第三解脫弃背不淨觀心四無色處解脫各自弃背次下地心想受滅解脫弃背一切有所緣心故弃背義是解脫義尊者世友作如是說心於煩惱解脫清淨故名解脫大德說曰由勝解力而得解脫故名解脫脇尊者言有所背捨故名解脫此八解脫界者初三解脫是色界前三無色處解脫有漏者是無色界無漏者是不繫後二解脫是無色界地者初二解脫在初二靜慮及未至定靜慮中間餘地亦有相似善根而不立為初二解脫所以者何欲界散亂弃

背力劣故不建立初三解脫弃背欲界及初靜慮識身所引緣色貪心故初二靜慮立初二不淨解脫第二第三靜慮無識身所引緣色貪心故第三第四靜慮不立初二不淨解脫第三解脫在第四靜慮下地亦有相似善根而立不為第三解脫所以者何立淨解脫為欲弃背不淨觀心若在下地為不淨觀力所摧伏不廣不明故不建立第三靜慮雖無初二不淨解脫而為勝樂所迷亂故不廣不明故不建立第四解脫在空無邊處問於此地中何法是解脫何法非解脫答離第四靜慮染諸加行道九無間道八解脫道及生得善等非解脫餘有為善是解脫第五解脫在識無邊處問於此地中何法是解脫何法非解脫答離空無邊處染諸加行道九無間道八解脫道及生得善等非解脫餘有為善是解脫第六解脫在無所有處問於此地中何法是解脫

退四

八

何法非解脫若離識無邊處染諸加行道九無間道八解脫道及生得善等非解脫餘有為善是解脫第七解脫在非想想非非想處問於此地中何法是解脫何法非解脫若離無所有處染諸加行道九無間道八解脫道及生得善等非解脫餘有為善是解脫想想受滅

解脫在非想想非非想處所依者初三解脫依欲界身起想想受滅解脫依欲色界身起餘四解脫依三界身起行相者初二解脫作不淨行相第三解脫作淨行相四無色處解脫作十六行相或餘行相想想受滅解脫不作行相所緣者初三解脫緣欲界色處第四解脫緣四無色及彼因彼滅一切類智品若四無色及類智品非擇滅并虛空若謂一物若謂多物一切皆緣第五解脫緣後三無色及彼因彼滅一切類智品若後二無色及類智品非擇滅并虛空若謂一物若謂多物一切皆緣第六解脫緣後二無色及彼因彼滅一切類智

品若後二無色及類智品非擇滅并虛空若謂一物若謂多物一切皆緣第七解脫緣非想想非非想處及彼因彼滅一切類智品若非想想非非想處及類智品非擇滅并虛空若謂一物若謂多物一切皆緣想想受滅解脫無所緣有作是說空無邊處解脫亦緣第四靜慮

退四

九

非擇滅餘所緣如前說乃至非想想非非想處解脫亦緣無所有處非擇滅餘所緣如前說念住者初三解脫身念住俱四無色處解脫四念住俱想想受滅解脫若依自性相雜念住應言非念住俱若依所緣念住應言是法念住智者初三解脫世俗智俱前三無色處解脫六智俱謂苦集滅道智類智世俗智非想想非非想想解脫世俗智俱想想受滅解脫不與智俱三摩地者初三及後二解脫非三摩地俱前三無色處解脫三三摩地俱或非三摩地俱根相應者初二解脫喜捨根相應想想受滅解脫非根相應餘五解脫皆捨根相應三世



者皆通三世緣三世者初三解脫過去緣過去現在緣現在未來若生法緣未來若不生法緣三世四無色處解脫緣三世及離世想受滅解脫無所緣善不善無記者皆惟是善緣善不善無記者初三解脫緣三種四無色處解脫惟緣善無記想受滅解脫無所緣三種界繫及不繫者初三解脫惟色界繫後二解脫惟無色界繫前三無色處解脫有漏者無色界繫無漏者是不繫緣三界繫及不繫者初三解脫惟緣欲界繫四無色處解脫緣無色界繫及不繫想受滅解脫無所緣學無學非學非無學者初三及後二解脫惟非學非無學前三無色處解脫通三種緣學無學非學非無學者初三解脫惟緣非學非無學四無色處解脫緣三種想受滅解脫無所緣見所斷修所斷非所斷者初三及後二解脫惟修所斷前三無色處解脫有漏者修所斷無漏者非所斷緣見所斷修所斷非所斷者初

三解脫惟緣修所斷四無色處解脫緣三種想受滅解脫無所緣緣名緣義者初三解脫惟緣義四無色處解脫若謂無色界亦有名者彼說通緣名義若謂無色界無名者彼說惟緣義想受滅解脫無所緣緣自相續他相續非相續者初解脫緣自他相續第二第三

退四

十

解脫有說惟他相續有說通緣自他相續四無色處解脫緣三種想受滅解脫無所緣加行得離染得者想受滅解脫惟加行得餘七解脫亦加行得亦離染得離染得者初靜慮地解脫離欲界染時得乃至非想非非想處解脫離無所有處染時得後由加行現在前加行得者由加行故得亦由加行故現在前聲聞或由中加行或由上加行獨覺由下加行佛不由加行得及現前曾得未曾得者想受滅解脫惟未曾得餘七解脫通曾得未曾得謂諸聖者及內法異生皆通曾得及未曾得外法異生惟是曾得

如是已說解脫惣相一一別相今應廣說有  
 色觀諸色是初解脫有色者謂有內各別色  
 想未離未捨未除觀諸色者謂為離捨除內  
 各別色想由勝解作意觀外諸色若青瘀若  
 膿爛若臃脹若骨環是初解脫者初謂名數  
 次第在初或入此定次第在初解脫謂入此

定時所有善色受想行識惣名解脫內無色  
 想觀外色是第二解脫由無色想者謂內各  
 別色想已離已捨已除觀外色者謂不為離  
 捨除內各別色想而由勝解作意觀外諸色  
 若青瘀等廣說如前第二及解脫亦如前說  
 問為觀外色時有內無色想為觀外色時無

退四

十一

內無色想耶設亦何失二俱有過所以者何  
 若觀外色時有內無色想者云何一心不作  
 二解若作二解應有二體一心二體與理相  
 違若觀外色時無內無色想者此中所說當  
 云何通謂內無色想觀外色是第二解脫若  
 應作是說若觀外色時無內無色想問若亦

善通前所設難此中所說當云何通若依觀  
 行者期心說故謂觀行者先作期心我若於  
 內無色想時應觀外色世尊依彼故作是說  
 內無色想觀外色復次依觀行者先起分別  
 循行說故謂觀行者先作如是分別循行我  
 若於內無色想時應觀外色故作是說復次

此中文句依義惟說謂若內無色想時義惟  
 必應觀外諸色若觀外色時義惟必應內無  
 色想復次此中文句兼加行善根說內無色  
 想者說加行善根觀外色者說究竟善根復  
 次內無色想者約所依說觀外色者約所緣  
 說淨解脫身作證具足住是第三解脫問此

淨解脫為即有色觀諸色為即內無色想觀  
 外色耶若即有色觀諸色者此與初解脫有  
 何差別若即內無色想觀外色者此與第二  
 解脫有何差別若應作是說此淨解脫即內  
 無色想觀外色問若亦此與第二解脫有何  
 差別若名即差別謂彼名第二此名第三復

次地亦有差別謂彼在初二靜慮此在第四靜慮復次相續亦有差別謂第二解脫通依內外道相續淨解脫惟依內道相續復次第二解脫作不淨行相淨解脫作淨行相復次第二解脫對治色貪淨解脫對治不淨觀復次第二解脫少加行少功用得淨解脫多加行多功用得復次第二解脫自性明淨所緣不明淨自性勝妙所緣非勝妙淨解脫自性所緣俱明淨俱勝妙是謂第二第三差別問修觀行者何故修此淨解脫耶答欲試善根滿未滿故謂觀行者作是念言雖觀不淨相不起煩惱而未知善根為成滿不若觀淨相

退四

十二

煩惱不生乃知善根已得成滿故觀淨相修淨解脫復次修觀行者觀不淨相心沉感故善品不增為令善品更增進故復觀淨相修淨解脫如遊冢間數觀屍穢心沉感故善品不增為令善品更增進故觀妙園林流泉池沼或遊城邑觀諸妙事令心欣悅能修勝善

此亦應然故觀淨相復次修觀行者久觀不淨心便樂著善品不增為令善品得增進故捨不淨觀修淨解脫復次修觀行者欲顯自心堅牢不退謂緣淨境煩惱不生況緣餘境故觀淨相修淨解脫復次修觀行者顯自善根有大勢力謂緣淨境煩惱不生況緣餘境

故觀淨相修淨解脫復次顯淨解脫生諸有情皆能修起惟妙勝解樂淨天沒來生人中乃能修起故修行者修淨解脫曾聞苾芻於日後分來詣佛所求好房舍佛勅阿難與好房舍阿難受勅而授與之彼苾芻言宜淨掃灑懸繒幡蓋燒香散華敷軟牀褥安置好枕

我乃受之不尔不用阿難於是具以白佛佛言隨索皆應與之尔時阿難具辦授與苾芻受已於夜初分起淨解脫因是次第起餘解脫諸漏永盡成阿羅漢復修加行引起神通於晨朝時乘通而去阿難於後往詣彼房不見苾芻但見牀座尋往白佛佛告阿難汝勿

退四

十三

輕彼彼於昨夜起淨解脫及餘解脫成阿羅漢引起神通晨朝已去然彼苾芻從妙勝解樂淨天沒來生人中彼若不得淨妙房舍便不能修第三解脫乃至不得極果神通由是故知此淨解脫非諸有情皆能修起惟樂淨者乃能起之第三與解脫亦如前說四無色解脫如四無色說想受滅解脫如後報蘊當廣分別數及解脫准前應知

問何故靜慮少分善根立為解脫無色地一切皆立解脫耶答靜慮顯明了現見故少善根立為解脫無色細隱不明了不現見故根本地皆立解脫復次靜慮中有種種異相不相似法故少善根立為解脫無色不介是故摠立復次靜慮中有異相根受心心所法故少善根立為解脫無色不介是故摠立復次靜慮有多功德勝利故少善根立為解脫無色不介是故摠立復次靜慮徧緣自上下地故少善根立為解脫無色惟緣自上非下

是故摠立復次靜慮解脫惟是有漏故別建立無色解脫亦通無漏是故摠立問因論主論何故靜慮解脫惟有漏無色解脫通有漏無漏耶答前說五門亦通答此中復有一不共答謂靜慮中所有解脫惟與勝解作意相應諸無色中所有解脫多與真實作意相應故不相似

問何故世尊於八解脫以方聲說答觀所化故如於四諦說四方聲問解脫與方有何相似答解脫與方俱有八故問方乃有十如何相似答如調象法惟依八方非上下方是故相似復次如人平面惟視八方如是正心修

八解脫復次如依八方能調龍象解脫亦介依八加行而現在前除解脫障尊者妙音作如是說方與解脫三同三異言三同者一如調象者要趣於方乃能調象世尊亦介要趣解脫能調所化二如調象者於一時間惟趣一方而調一象世尊亦介一時惟依一種解

退四

十五

脫調一所化三如調象者令所調象趣一方  
時去餘方遠世尊亦令所化生起一解脫  
現在前時餘解脫遠不現行故言三異者一  
如調象者要趣於方乃能調象世尊不令端  
坐一處亦令所化能起解脫二如調象者於  
一時間惟趣一方而調一象世尊不令於一

時間令多所化起多解脫三如調象者令所  
調象趣一方時去餘方遠世尊不令所化  
生起一解脫現在前時餘解脫近由成就故  
復次佛欲自顯是勝調御故於解脫說以方  
聲曾聞憍薩羅主勝軍大王勅捕象人捕大  
野象令調象者依調象法善調御之象既調

已王與象師共乘遊獵時所乘象見雌象羣  
欲心熾盛即便奔逐象師盡術制不能迴王  
與象師俱被傷損遇因攀樹命濟還宮王責  
象師付法刑罰時調象者白大王言彼象實  
調願王許驗時象貪息便速還宮象師見之  
將詣王所遂於象頂置熱鐵丸徐語之言此

是最後調伏汝法應忍受之若不忍受必以  
先來調汝苦事次第調汝象聞便忍不動如  
山時熱鐵丸燒然象頂如燒樺皮王見嗟恠  
令去鐵丸告象師曰此象既調先何故尔象  
師跪白我能調身不能調心王言頗有能調  
心者象師曰有謂佛世尊能調衆生身心諸

病王聞歡喜尋與象師乘所調象往詣佛所  
見佛世尊多百千衆圍繞說法前禮佛足退  
坐一面佛即為王說甚深法非諸獨覺聲聞  
所知因告苾芻如調象者正調象時於八方  
內但取一方而調於象調馬牛等亦復如是  
無上調御調所化時頓依八方而調所化言

八方者喻八解脫故顯世尊是勝調御於八  
解脫說以方聲

說一切有部發智大毗婆沙論卷第八十四 退四  
崖魚皆反捫摸上音門下羸劣上音力鈍徒困反臨  
陀上音一青瘀去下於反臃脹上音江下知向反二骨瓔

下蘇反繒幡上疾捕音雌七斯反樺皮上化胡

阿毗達磨大毗婆沙論卷第八十五 退五

五百大阿羅漢等造。三藏法師玄奘奉詔譯

結蘊第二中十門納息第四之十五

如契經說有一苾芻來詣佛所頂禮佛足退坐一面而白佛言世尊說有明界淨界空無邊處界識無邊處界無所有處界非想非非

想處界滅界如是七界緣何施設世尊告曰緣暗故施設明界緣不淨故施設淨界緣色趣故施設空無邊處界緣邊際故施設識無邊處界緣所有故施設無所有處界緣有身故施設非想非非想處界緣有身滅故施設滅界問此中苾芻依何事問世尊復以何事

而荅荅此中苾芻依八解脫覆相而問佛亦以此覆相而荅明界者謂初二解脫淨界者謂第三解脫四無色處界者謂四無色解脫滅界者謂想受滅解脫問何故苾芻依八解脫覆相而問荅以彼苾芻少欲喜足覆藏已善不欲令他知自有德故作此問問何故世尊以八解脫覆相而荅荅欲令苾芻意樂滿故謂彼苾芻作如是念若佛為我覆相而荅此八解脫者豈不善哉由此世尊覆相而荅此中緣暗故施設明界者暗謂欲界緣色處貪初二解脫是彼對治故緣彼立緣不淨故施設淨界者不淨謂初二解脫第三解脫是彼對治故緣彼立緣色趣故施設空無邊處界者色趣謂第四靜慮第四解脫是彼對治故緣彼立緣邊際故施設識無邊處界者邊際謂空無邊處彼住色邊際故第五解脫是彼對治故緣彼立緣所有故施設無所有處界者所有謂識無邊處彼有無邊行相轉故第